

XII. 68. 1. Est enim sine fide Conversio omnis man-
ca, mutila imò coram Deo, nulla: 2. Fides est ὁρ-
γανος sive instrumentum illud, quo peccatorum
remissio accipitur, pacis cum DEO, ac pacatae con-
scientiae beneficium acquiritur. Act. 10, 43. Rom.
3, 22. & 25. & cap. 5, 1. Eph. 3, 12. Act. 15, 9.

Fides denique sola est id, quo inter verum & fal-
sum, utilem atque inutilem Pænitentiam sive
Conversionem, discriminem verum constitui potest.

69. Et quia complementum veræ Resipiscientiae,
duabus istis partibus absolvitur: inde firmiter col-
ligimus, plures Pænitentiæ partes, dummodo pro-
prietatem & substantiam rei attendere velimus,
constitui nec posse, nec debere.

70. Quod enim haud pauci Theologi, ea, que
extra complexum rei versantur, & eandem con-
sequuntur potius, quam constituunt, Partes esse
ac proinde novam obedientiam tertiam Pæni-
tentiae partem esse volunt: id profecto minus pro-
priè fieri manifestum est.

71. Neque enim Bona Opera, que in scholis,
Novæ Obedientiæ termino indigitantur, Pæniten-
tiæ pars essentialis ac συστημή esse ullo modo pos-
sunt: quippe que ipsam Pænitentiam demùm con-
sequuntur, & actum generandæ sive efficiendæ
Pænitentiæ minimè ingrediuntur: Iam autem
effectus pars constitutus causæ efficientis esse ne-
quit.

Et